

Pagsaulog sa Sabado

Idisenyo ang kataposang Sabado sa Napulo ka Adlaw sa Pag-ampo sa pagsaulog sa kaayo sa Dios ug sa kusgang gahum. Ipahat giunsa nga ikaw nagkasinati ug ang pagbobo sa Balaang Espiritu atol sa minglabay nga napulo ka mga adlaw. Pagsadya diha kon unsay gibuhay sa Dios, ginabuhay, ug pagabuhaton.

Ang mga panginahanglan sa matag kongregasyon talagsaon, nan palihog makigsabot sa mga lokal nga pangulo sa pagpalambo og usa ka tino nga plano alang sa imong iglesia. Ania ang pipila ka poseble nga mga butang nga iapil sa inyong kataposang Sabado nga serbisyo sa iglesia.

Tema:

Pagpangitag Pagpabuhi gikan sa Balaang Espiritu

Temang Bersikulo:

“Dili pinaagi sa kusog, ni pinaagi sa gahum, kondili pinaagi sa akong Espiritu, miingon si Jehova sa mga panon” (Zacarias 4:6).

Mga Posebleng Alawiton:

Live Out Thy Life Within Me
Fill My Cup, Lord
Sweet, Sweet Spirit
Revive Us Again
I Surrender All

Mga Ideya alang sa Wali:

Pawaliha og mubo nga wali ang pastor, elder, o pangulo sa pag-ampo mahitungod sa pagpabuhi pinaagi sa Balaang Espiritu. Magpili og usa niini nga mga teksto sa Biblia:

- Lucas 11:9-13 (pagpangayo ug pagdawat sa Balaang Espiritu)
- Buhat 2 (pagbobo sa Balaang Espiritu sa mga unang Cristohanon)
- Roma 8 (pagkinabuhi pinasikad sa Espiritu)

[O]

Magpulipuli ang mga partisipante sa pagtanyag og 1 o 2 ka minuto nga kasumahan sa matag usa sa 10 ka inadlaw nga mga giya. Ipapahat ang ulohan, tekstong dugokan, ug yawing panghunahuna. (Magplano daan aron ang mga kasumahan anaa lang sa 1-2 ka mga minutos. Kay kasagaran sa katawhan, ang usa ka minuto mokabat sa 125-150 ka mga pulong.)

[O]

Ilista ang mga batan-on sa pagpresentar sa mga teksto sa Kasulatan, mga pagbasa, o mubo nga mga wali nga may kalabotan sa tema sa pagpabuhi pinaagi sa Balaang Espiritu. Ang kabatan-onan makatabang usab sa musika o magtanyag og mga testimonyas.

Mga Ideya Alang sa Ubang Programa:

Mga testimonyas sa mga membro mahitungod sa pag-ampo nga natubag
Panahon sa pag-ampo alang sa gagmayng-pundok
Pagpamantala sa umalabot nga pag-ampo o mga aktibidadis sa pagsilbi
Sugilanon sa kabataan mahitungod sa pag-ampo
Mga pagpili sa musika nga pinasahi